

《家長同盟：BCA考唔考，家長有權□》

一般市民能夠嚟同各位議員同官員直接對話嘅機會真係嚟得不易，等咗五個月，喺偏聽會開吾成連BCA都已經開考後，蔣麗芸主席先至對現承諾開公聽會，完全體現行政立法一體化，如何合作無間。

教育局係社會未有共識之下，強行換以BCA之名全面複考，而第二輪嘅輿論攻勢已經由一班願意為TSA說項嘅校長頂上，成功將焦點由政府轉移到民間學校同家長嘅矛盾上；用一小撮校長頂替官員說話去對抗立法會議員嘅反對，更加有效咁令到普羅大眾以為係立法會政治壓力所迫。試圖以民對民嘅分化同凡事都套上政治化污名既手法去進行鬥爭。再跟佢哋泥漿捧角式辯論筆戰，只會令到唔熟識TSA嘅市民更覺得添煩添亂，令社會對議題生厭。

事到如今，我唔想再咗時間喺度解釋TSA嘅問題，因為官員個腦已經係封閉聽唔入耳，我只係想強調法理同權利。既然教育局認為TSA就係教育嘅重要支柱，咁唔該請你修改教育條例，或者將TSA加入外評，甚至定為辦學嘅必要條款，否則強制TSA就係不合法不合情！唔好口口聲聲話想邀請全港學校分享試行嘅經驗，但又出張冇得揀吾參加嘅通告畀學校，呢啲係典型嘅政府語言偽術！因為受緊公帑資助，相信依番說話好多學校認同但唔敢講。公帑係來自稅收，但教育局竟然從來唔向我哋市民、家長問責。

既然教育局強調BCA係研究計劃，咁即係話我哋家長作為未成年子女嘅監護人絕對有權選擇參加與否。而教育局已經將個波踢俾學校，學校在情在理絕對需要主動安排方便家長行使選擇權。唔好學似不負責任嘅教育局咁，又出張通告叫大家考試但又冇得選擇。雖然BCA已經開考但距離筆試仲有一個月，學校絕對有時間去主動問清楚家長是否願意參加。如果有家長唔想應考，學校應該給予學生喺當日其他適當活動安排。

請大家明白我哋家長絕對唔喺要同學校對着幹，我哋針對嘅只係TSA。請學校基於家校合作，互相尊重嘅原則下，能夠方便家長充分行使參與BCA研究嘅選擇權，共同建立一個開明而互信嘅快樂校園。

香港革新教育家長同盟 召集人
周勁倫